

وارلیق

VARLIQ

Dil Edebiyat ve Kültür Araştırmaları Dergisi
İkinci Dönem. İl: 2, Sayı: 5-6 (Güz-Qış 2016), ss. 5-6
Telif Haqqı@Varlıq Dergisi

سۆنوش

• محمدرضا هیئت

دگرلی آراشدیرماجیلار و اوخوجولار،

وارلیق درگیسی نین یئنی دؤنمی نین بئشینجی و آلتینجی ساییلارینی (۱۷۷-۱۷۸/۵-۶) سؤنماقدان موتلولوق دویوروق.

درگیمیزین بو ساییسیندا تبریزده تورکجه نین قورونماسیندا عایله لرین رولو، میرزا مهدی خان استرآبادی نین «دره نادره» اثری، فضولی نین تورکجه دیوانی، بیر بیلیم اولاراق ادبیات نظریه سی، دوکتور جواد هیئتین توپلومسال گؤروش لری، اوستاد مشروطه چی سؤنمزین یارادیجیلیغی، تورکلره قارشى تحقیر اندیجی سؤیلملر، تووا اؤزرک جمهوریتی نین قورولوشو، شهریارین شعرلرینده وطنسزلیک آنلایشی، چاناق قلعه ظفری، نادر شاه دؤنمینده تورک کولتورونون دورومو، کاپوس نامه ده کی تحریف لری، آذربایجان میلی علملر آکادمیسی نین یایینلادیغی تورکولوگیا درگیسی، تورکلرین اسکی اینانجلاری نین گونوموزده کی ایزلری قونوسوندا کی مقاله لره یئر وئرلیرکن، ۴-جو اولوسلار آراسی کاشغرلی محمود حکایه یاریشماسینا قاتیلان و ایران دا ایلک اوچه گیرن حکایه لر؛ کیتاب و درگی تانیتمی و ادبی خبرلره یئر وئرلمیشدیر.

سید هادی میرواحدی مقاله سینده دیل لرین قورونماسیندا عایله لرین رولونو اینجه لرکن، تبریزده تورکجه نین بو آچیدان دورومونو اله آلمیش و ۱۰ یاشین آلتیندا اوشاغی اولان آنالارلا مصاحبه لر آپاراراق تورکجه نین بوگونکو وضعیتینی و اونون قورونماسیندا عایله لرین رولونو آراشدیرمیشدیر.

دوکتور رعنا محمدمووا آذربایجان علملر آکادمیسی الیازلار انستیتوسوندا میرزا مهدی خان استرآبادی نین «دره نادره» ادلی اثری نین یازما نسخه لرینی آراشدیریرکن؛ خاطیره یوسفووا

فضولی نین تورکجه دیوانی نین علمی- تنقیدی نشرلری نین آراشدیریلما تاریخی اوزرینه مقاله یازمیشدیر. دوکتور محمد عالیم لیبیب مقاله سینده چئشیدلی دیلرده «ادب» و «ادبیات» سؤزلری نین مختلیف آنلاملارینی آنلاتدیقدان سونرا، «ادبیات آراشدیرمالاری» نی بیر بیلیم اولاراق اینجه له مکده دیر. محمدرضا هیئت ایلک مقاله سینده دوکتور جواد هیئت یین توپلومسال مسئله لر حاقیندا کی گؤروشلرینی و ایکینجی مقاله سینده اوستاد مشروطه چی سؤنمین شخصیتی و اثرلرینی اینجه له میشدیر.

دوکتور آرآلپ آلیشیق مقاله سینده، دگرلی بیلیم و کولتور آدمی، تورکیه ده تورک صنعت تاریخچی لیگی نین قوروجوسو پروفیسور دوکتور نژاد دیاربکیرلی نین حیاتی، اثرلری و اولوسلار آراسی آlanda گؤستردیگی خیدمتلردن بحث ائدرکن، حسن راشدی مقاله سینده پهلوی دؤنمیندن باشلا یاراق گونوموزه قدر ایران دا تورکلری آشاغیلاماق اوچون ایشله دیلن یؤنتملری چئشیدلی اؤرنکلرله گؤستریرکن؛ مصطفی جان تئزیچ سالچاک کالباخوریئئکویچ توکانین تووا اؤزرک جمهوریتی نین قورولوشوندا کی رولونو اله آلمیشدیر.

محمد رحمانی فر شهریارین شعرلری، اؤزللیکله ده حیدربابایا سلام، سهنیده و مومیالانمیش آدلی اثرلریندن یولا چیخاراق «وطنسزلیک» قاورامینی اینجه له مکده دیر. دوکتور یعقوب عمر اوغلو مقاله سینده بؤیوک چاناق قلعه ظفری نین اله اندیلمه سینده غازی مصطفی کمال ایله بیرلیکده عثمانلی قوموتانلاری نین (فرمانده) اوینادیغی رولا و اشغالچی روس- اینگیلیز ایش بیرلیگینه توخونور. دوکتور توحید ملک زاده نادر شاه دؤنمینده تورک دیلی و کولتورونون دورومونو و دؤلت طرفیندن وئرلین دستگی اینجه لرکن؛ مجتبی مینوی مشهور کاپوس نامه ده کی تحریفلری و بو تحریفلرین اورتایا چیخماسیندا فرایین آراشدیرمالارینی اله آماقدادیر.

دوکتور ائلچین ابراهیموف آذربایجان علملر آکادمیسی نین اوزون ایلردیر یایینلادیغی «تورکولوگیا» درگیسی نین تاریخینی و گونوموزده کی چالیشمالارینی ایضاح ائتمکده دیر. م. هشتربلی قیسا یازیسیندا اسکی تورک اینانجی نین آذربایجان، اؤزللیکله ده همدان بؤلگه سینده گؤزلمه دیگی ایزلرینی آچیقلا ماقدادیر.

درگی نین حکایه بؤلومونده، ۴-جو اولوسلار آراسی کاشغرلی محمود حکایه یاریشماسیندا ایران دا بیرینجیلیگی، ایکینجیلیگی و اوچونجولویو قازانان «قیرمیزیم»، «بلکه ده کؤلگه لر بئله دانیشار» و «منی آگورادا یاندرین» حکایه لرینه یئر وئر یلمیشدیر.

درگی نین سون بؤلوملرینده ایسه کیتاب تانیتمی ایله بیرلیکده، یئنی چیخان کیتابلار و کولتورل خبرلر یئر آماقدادیر ■